

Eta zuk, zer diozu?

Hona hemen zenbait iruindar seme-alabak zer dioten sanferminen inguruan

inkesta

1. Nola sumatu duzu sanferminen aurreko giroa? **2.** Nolakoak izanen dira aurtengo sanferminak? **3.** Zer da sanferminetan gehien gustatzen zaizuna?

Asisko Urmeneta

• Komikigilea •



1. «Giroa epela da, eta dagoeneko berotzen hasia. Uste dut urtero erraten dugula gauza bera, eta badirudi, zentzu horretan, alkate berriak hobetu egiten duela aurrekoa. Erraten dugu: 'Hau baino makurrakorik ezin da egon', baina, zoritxarrez, beti harritzen gaituzte. Hala ere, sanferminak dira, Urabaien idazleak aspaldian erran zuen bezala, esklaboen festa, hots, astebeteko lasaialdia ematen zaio jendeari, nola-bait, gauzak ahanzteko».

2. «Ez naiz ona iragarpenak egiten. Garai batean festek bazuten espiritu ludikoa eta kontestataria, baina urtez urte hori kimatzen ari dira. Riauriauak festaren zentzu kaotikoa islatzen zuen; orain, egitarau ofiziala eta bat-batean sortzen dena gero eta urrunago daude elkarrengandik».

3. «Gaupasa egin eta ondoko goizak politak izaten dira, surrealismorako bideak eskaintzen baitituzte. Bezperatik landu beharreko goizak izaten dira».

Sagrario Aleman

• Euskara irakaslea •



1. «Niri sanferminen aurreko giroa oso polita iruditzen zait, normalean, festa giroa sumatzen baita karriketan; baina azken urte hauetan, zoritxarrez, istiluren bat sortzeko prest egoten dira beti Udalekoak. Beti aitzakiaren bat izaten da jendea haserrarazteko. Nik askotan pentsatzen dut nahita egiten ote duten giro nahasi hori sortzeko, nahiz eta horretarako inolako arrazoirik ez egon».

2. «Urtero beldurrez egoten gara, eta ez bakarrik afera hauengatik, bestela ere egoera aski larria da gurean, eta ez du laguntzen sanfermin normalak izaten. Hala ere, jendeak festarako gogoia izaten du eta sanferminak hondatzea ez da erraza izaten, Udalak horretarako ahaleginak egiten baditu ere. Aldarrikapenerako tokia ere izanen da, dena den».

3. «Azken urte hauetan Zaldiko Maldikon sartuta egoten naiz, bertan Arturo Campionek taberna jartzen duelako. Oso giro berezia sortzen da».

Gaizka Aranguren

• Kazetaria •



1. «Badirudi, Iruñea boteretik kudeatzen dutenen aldetik, jaia gaiztotzeko jarrera nabarmen bat dagoela. Hori sumatzen da egiten dituzten ekintzetan, eta, batez ere, jendearen parte hartzea bideratzen ohi duten zenbait ekimen eragozteko nahi horretan».

2. «Egunerokotasunak sanferminetan ito ditzake probokazioei erantzunez egin daitezkeen ekimenak. Eta hori arrisku nabarmena da azkeneko urteotan. Parte hartzea oinarri duten jai hauetan, jendearen ekimena mugatzen saiatu dira udal kudeatzaileak, eta ez da erraza izaten horri erantzutea».

3. «Memento honetan sanferminak alabarekin bizitzeko tartea dira; eta, beraz, alaba gehien poztu dezaketen ekitaldietan parte hartzen dut, hau da: kilikiak, erraldoiak eta haurrendako egon daitezkeen ikuskizun guztietara joatera behartuta nago, halabeharrez, eta nahita ere bai. Garai batean, entzierroa baino ez zegoen neretzat».

Edurne Egin

• Gaztelu plazako plataforma •



1. «Giro konplikatu dago; jai giroa, behintzat, ez dago. Argi dago Udalak herriaren parte artzearen aurkako jarrera agertu duela arlo askotan. Badirudi, Udalari halako jai ofizialak baino ez zaizkiola gustatzen, eta jendeak bere kabuz antolatzen dituen ekitaldiak zapuzten saiatzen dela».

2. «Jaia hasten denean, festa giroa gustatzen zaio jendeari. Baina ez hori bakarrik, sanferminak herri festak diren heinean, herritarrei beren iritzia puntua azaltzea ere gustatzen zaie, eta, Udalaren jarrera ikusita, urtetik urtera gehiago sumatzen da herria ez dagoela kontent. Ezin dut aurreratu zer gertatuko den datozen egunotan, baina giroa ez da batere lasaia».

3. «Denetik pixka bat egitea gustatzen zait. Badaude hainbat eta hainbat ekitaldi polit; dena den, kaleko giroa gustatzen zait gehien; Iruñeko jendearen parte hartzea ikustea. Horregatik, niretzat kezkagarria da Udalak sortutako giroa».

Fermin Erbiti

• Kazetaria eta idazlea •



1. «Giro hau ez dirudi girorik hoberena denik. Gaztelu plazako gaia oso garrantzitsua da, eta dagoeneko, plazaren itxura aldatua dago. Txosnei dago-kienez, nik uste dut sanferminetan denok ahaleginak egin behar ditugula guztiondako festak sortu ahal izateko, eta, batez ere, pertsona bakoitzak aukera izan dezala nahi dituen festak egiteko. Alde horretatik, ez dirudi Iruñeko Udaletxetik gauzak ongi egiten ari direnik».

2. «Nik uste dut oso onak izanen direla. Arazoak arazo, egia da festa hasi eta berehala, gauza horiek guztiak ahaztu egiten direla. Askotan gertatu da hau, batez ere, 1978. urtetik honat; baina, zorionez, festa hasi eta gauza horiek guztiak ahanzi ez, baina alde batera uzten dira. Herritarrok egiten dugun festa dira; ekitaldi garrantzitsu guztiak herriak sortu ditu historian zehar. Gero agintariek programan sartu dituzte batzuk, beste batzuk ez».

3. «Dena gustatzen zait. Jailetako 204 orduak».

Iruñeko Herriko Taberna
Karmen kalea, 34/36
948/22 28 28
BAZKARIAK, AFARIAK eta BOKATAK ematen ditugu
Mila esker effortzeagatik.

MESON LA TORTILLA
Navarrería, 12 behea
© 948 22 62 32 - IRUÑEA

TERMINAL
IRUÑEA

GARAZI taberna
Kaldereria k., 36
IRUÑEA

KANTXA
Bokatak eta Martxa
Juan Labrit, 33 • 31001 IRUÑEA
Tel.: 607 997 060